

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**OPĆINSKI SUD U SARAJEVU**  
**Broj: 65 0 K 773992 22 Kps**  
**Sarajevo, 19.09.2022. godine**

**U IME FEDERACIJE BOSNE I HERCEGOVINE**

Općinski sud u Sarajevu, sudija Denis Kurtović, uz sudjelovanje zapisničara Ivane Šimunić, u krivičnom predmetu protiv optuženog **A.N.**, po optužnici Kantonalnog tužilaštva Kantona Sarajevo broj **T09 0 KTK 0131304 22 od 18.05.2022. godine** potvrđena dana 14.06.2022. godine zbog krivičnog djela Zloupotreba položaja ili ovlaštenja iz člana 383. stav 1. Krivičnog zakona Federacije Bosne i Hercegovine, nakon ročišta za razmatranje Sporazuma o priznanju krivnje i pretresa za izricanje krivičnopravne sankcije održanih u prisutnosti tužioca Kantonalnog tužilaštva Kantona Sarajevo Zorana Ikonića, optuženog i njegovog branioca, Adnana Novo, advokata iz Sarajeva, dana 19.09.2022. godine, donio je i istog dana javno objavio sljedeću

**P R E S U D U**

**OPTUŽENI:** **A.N.**, sin N.N. i majke Dž. rođene H., rođen ... godine u S., nastanjen u S. u ul. ... br. ..., općina ..., po narodnosti ..., državljanin BiH, oženjen, otac dvoje djece, po zanimanju doktor medicinskih nauka, zaposlen na Medicinskom fakultetu Univerziteta u Sarajevu, JMBG: ..., neosuđivan

## K R I V J E

### Što je:

U vremenskom periodu od mjeseca septembra 2018. godine do 01. aprila 2019. godine, u Sarajevu, kao odgovorna osoba u smislu odredbe člana 2. stav 6. Krivičnog zakona Federacije BiH, u svojstvu ... Agencije za kvalitetu i akreditaciju u zdravstvu Federacije BiH (u daljem tekstu skraćeni naziv Agencije - AKAZ), prema odlukama o imenovanju ... OPU-IP ... od 25.09.2012.godine i broj ... od 07.09.2016.godine, a koje svojstvo je bilo upisano i u sudskom registru za pravno lice AKAZ, kod Općinskog suda u Sarajevu, za period od 28.09.2012.godine do 05.11.2019.godine i koji je prema članu 30. Zakona o sistemu poboljšanja kvaliteta sigurnosti i o akreditaciji u zdravstvu (Službene novine FBiH broj: 59/05 i 6/17, u daljem tekstu Zakon) i članu 25. Statuta Agencije za kvalitet i akreditaciju u zdravstvu u FBiH, (Službene novine FBiH broj: 94/07 i 31/16, u daljem tekstu Statut) odgovoran za zakonito poslovanje AKAZ-a i odlučivanje o svim pitanjima iz radnog odnosa zaposlenika AKAZ-a i koji je prema članu 11. Pravilnika o radu AKAZ-a iz aprila, 2015. godine i Pravilnika o izmjenama i dopuna Pravilnika o radu AKAZ-a, broj: 02-02-244/16 od 29.06.2016. godine (u daljem tekstu Pravilnik o radu) odgovoran za način i postupak izbora zaposlenika radi zaključivanja ugovora o radu i zasnivanje radnog odnosa, svjestan da iskorištava svoja ovlaštenja i da na taj način A.P. pribavlja korist u vidu zasnivanja radnog odnosa na neodređeno vrijeme, na radnom mjestu Viši stručni saradnik za poslove .... u AKAZ-u, što je i htio, iskoristio svoja ovlaštenja propisana članom 30. Zakona, članom 25. Statuta i članom 11. Pravilnika o radu AKAZ-a, na način da je dana 17.09.2018. godine donio odluku broj ... o raspisivanju internog konkursa za prijem u radni odnos zaposlenika u Agenciji za kvalitet i akreditaciju u zdravstvu F BiH, na neodređeno vrijeme, sa početkom od 01.11.2018. godine, za rad na poslovima radnog mjesta Viši stručni saradnik za poslove ..., a potom, iako je bio svjestan i znao da nije provedena procedura po predmetnom Internom konkursu jer Interni konkurs nije objavljen na službenoj stranici AKAZ-a 17.09.2018.godine, da prijava A.P. na Interni konkurs nije predata AKAZ-u na protokol i da A.P. ne ispunjava posebne uslove iz Internog konkursa i posebne uslove iz člana 16. stav 1. tačka 12. Pravilnika o unutrašnjoj organizaciji i sistematizaciji radnih mjesta AKAZ-a iz februara

2015. godine, Pravilnika o usvajanju izmjena i dopuna Pravilnika o unutrašnjoj organizaciji i sistematizaciji radnih mjesta AKAZ-a, broj: 02-02-339-1/16 od 28.09.2016. godine, broj: 02-02-148-2/17 od 26.04.2017. godine, broj: 02-02-439-2/17 od 22.11.2017. godine, broj: 02-02-106-2/18 od 30.03.2018. godine (u daljem tekstu Pravilnik o unutrašnjoj organizaciji i sistematizaciji radnih mjesta) za radno mjesto Viši stručni saradnik za poslove ..., jer isti nema radno iskustvo na poslovima u oblasti poboljšanja kvaliteta, sigurnosti i akreditacije u zdravstvu, odnosno na poslovima zdravstva, 1 godinu nakon završenog fakulteta društvenog usmjerenja, VSS (VII stepen ili ekvivalent Bolonjskog sistema sa minimalno 180 ECTS), kao ni potrebne edukacije na poslovima u oblasti poboljšanja kvaliteta, sigurnosti i akreditacije u zdravstvu, odnosno na poslovima zdravstva, postupio suprotno odredbama člana 10. Pravilnika o radu kojim je propisano da zaposlenik pored opštih uslova mora ispunjavati posebne uslove za prijem u radni odnos, a koji uslovi su definisani Pravilnikom o unutrašnjoj organizaciji i sistematizaciji radnih mjesta i suprotno odredbama člana 14. i 16. stav 1. tačka 12. Pravilnika o unutrašnjoj organizaciji i sistematizaciji radnih mjesta, kojim je propisano da se pod radnim iskustvom podrazumjeva iskustvo stečeno na radu, na istim ili sličnim poslovima, nakon sticanja stručne sprema koja je uslov za zasnivanje radnog odnosa, da je za radno mjesto Viši stručni saradnik za poslove ... potreban VSS (VII stepen ili ekvivalent Bolonjskog sistema sa minimalno 180 ECTS, fakultet društvenog ili zdravstvenog smjera, jedna godina radnog iskustva u struci, kao i radno iskustvo na poslovima u oblasti poboljšanja kvaliteta, sigurnosti i akreditacije u zdravstvu, odnosno na poslovima zdravstva i edukacija na poslovima u oblasti poboljšanja kvaliteta, sigurnosti i akreditacije u zdravstvu, odnosno na poslovima zdravstva i donio odluku o prijemu A.P. u radni odnos uz otkaz prethodnog ugovora o radu broj ... od 10.10.2018.godine, na osnovu koje odluke je potpisan ugovor o radu broj ... i zasnovan radni odnos na neodređeno vrijeme A.P. u AKAZ-u na radnom mjestu Viši stručni saradnik za poslove ... počev sa danom 01.11.2018. godine, na koji način je A.P. pribavio korist u vidu zasnivanja radnog odnosa u AKAZ-u na radnom mjestu Viši stručni saradnik za poslove ... na neodređeno vrijeme, koji radni odnos je A.P. prekinut sa danom 01.04.2019. godine na osnovu odluke privremenog upravnog odbora broj ... od 15.01.2019.godine kojom je odluka ... o prijemu u radni odnos broj ... od

10.10.2018.godine poništena, odluke upravnog odbora broj ...od 26.02.2019.godine, te odluke o otkazu ugovora o radu s ponudom izmjenjenog ugovora o radu broj ... od 18.03.2019.godine i ugovora o radu broj... od 18.03.2019.godine, iz razloga što A.P. nije ispunjavao posebne uslove radnog mjesta Viši stručni saradnik za poslove ..., propisane odredbama člana 16. stav 1. tačka 12. Pravilnika o unutrašnjoj organizaciji i sistematizaciji radnih mjesta AKAZ-a

**Dakle**, kao odgovorna osoba u Federaciji, iskoristio svoja ovlaštenja i pribavio drugom korist, u vidu zasnivanja radnog odnosa na neodređeno vrijeme

**Čime je** počinio krivično djelo Zloupotreba položaja ili ovlaštenja iz člana 383. stav (1) KZ F BiH

Pa mu sud primjenom navedenih zakonskih odredbi, kao i odredbi članova 60. i 62. KZ FBiH, **izriče**

#### **UVJETNU OSUDU**

Kojom mu se utvrđuje kazna zatvora u trajanju od **7 (sedam) mjeseci** i istovremeno određuje da se ova kazna neće izvršiti ukoliko optuženi u roku od **2 (dvije) godine** od dana pravomoćnosti ove presude ne poćini novo krivićno djelo.

Na osnovu člana 212. stav 3. ZKP F BIH oštećeni Agencija za kvalitetu i akreditaciju u zdravstvu Federacije BiH se upućuje na parnicu radi ostvarivanja imovinsko pravnog zahtjeva.

Na osnovu člana 202. stav 4. Zakona o krivićnom postupku Federacije Bosne i Hercegovine (ZKP FBiH) optuženi se oslobađa od obaveze plaćanja troškova postupka pa isti padaju na teret budžetskih sredstava.

## O b r a z l o ž e n j e

Kantonalno tužilaštvo Kantona Sarajevo podnijelo je optužnicu broj: **T09 0 KTK 0131304 22** od **18.05.2022. godine**, kojom je optužilo A.N., da je radnjama opisanim u optužnici počinio krivično djelo Zloupotreba položaja ili ovlaštenja iz člana 383. stav 1. Krivičnog zakona Federacije Bosne i Hercegovine. Optužnica je potvrđena dana 24.06.2022. godine.

Nakon potvrđivanja optužnice, dana 15.08.2022. godine, Kantonalno tužilaštvo Kantona Sarajevo je uložilo sporazum o priznanju krivnje koji je zaključen **dana 11.08.2022. godine** između optuženog i njegovog branioca s jedne, te Kantonalnog tužilaštva Kantona Sarajevo sa druge strane. Sporazum je dostavljen Sudu na razmatranje istog dana, tako da je dana 19.09.2022. godine održano ročište radi razmatranja Sporazuma o priznanju krivnje.

Na održanom ročištu za razmatranje sporazuma o priznanju krivnje optuženog sud je u cijelosti prihvatio sporazum o priznanju krivnje, jer je saglasno stavu 6. člana 246. ZKP F BiH utvrdio da se optuženi, svjesno, dobrovoljno i sa razumijevanjem izjasnio da je kriv po navedenoj optužnici, te zaključio Sporazum o priznanju krivnje sa tužiocem, kao i da postoji dovoljno dokaza o njegovoj krivnji, koji su prikupljeni od strane tužioca, a to su: Otpisak Izvornika odluke o imenovanju ... Agencije za kvalitet i akreditaciju u zdravstvu u FBiH obrađen i ovjeren od strane notara M.Š. OPU IP... od 25.09.2012. godine sa priložima i to: odluka o imenovanju ... AKAZ-a FBiH, broj: ...od 24.07.2012. godine, saglasnost Federalnog ministarstva zdravstva, broj: ... od 16.08.2012. godine i Rješenje o imenovanju privremenog Upravnog odbora AKAZ-a, Federalnog ministarstva zdravstva, broj: ... od 09.07.2012. godine; Odluka o imenovanju ... AKAZ-a, broj: ...od 07.09.2016. godine, ovjerena fotokopija; Rješenje o registraciji, Općinskog suda u Sarajevu, broj: 065-0-Reg-12-00... od 28.09.2012. godine, ovjerena fotokopija; Rješenje o izmjeni podataka Općinskog suda u Sarajevu, broj: 065-0-Reg-19-00...od 05.11.2019. godine, ovjerena fotokopija; Istorijski izvod iz sudskog registra Općinskog suda u Sarajevu, broj: 065-0-RegZ-20-00... od 12.05.2020. godine; Statut Agencije za kvalitet i

akreditaciju u zdravstvu u FBiH, („Sl. novine FBiH“, broj: 94/07 i 31/16); Pravilnik o radu Agencije za kvalitet i akreditaciju u zdravstvu u FBiH od april, 2015. godine i Pravilnik o izmjenama i dopuna Pravilnika o radu Agencije za kvalitet i akreditaciju u zdravstvu u FBiH, broj: 02-02-244/16 od 29.06.2016. godine, ovjerene fotokopije; Pravilnik o unutrašnjoj organizaciji i sistematizaciji radnih mjesta Agencije za kvalitet i akreditaciju u zdravstvu u FBiH, februar 2015. godine, Pravilnik o usvajanju izmjena i dopuna Pravilnika o unutrašnjoj organizaciji i sistematizaciji radnih mjesta Agencije za kvalitet i akreditaciju u zdravstvu u FBiH, broj: 02-02-339-1/16 od 28.09.2016. godine, broj: 02-02-148-2/17 od 26.04.2017. godine, broj: 02-02-439-2/17 od 22.11.2017. godine, broj: 02-02-106-2/18 od 30.03.2018. godine, ovjerene fotokopije; Interni konkurs za prijem u radni odnos zaposlenika, broj: ... od 17.09.2018. godine, Slika zaslona sa službene web stranice [www.akaz.ba/konkursi](http://www.akaz.ba/konkursi); Informacija, Agencije za kvalitet i akreditaciju u zdravstvu u FBiH, broj: 01-33-69/20 od 03.03.2020. godine sa pratećom dokumentacijom, ovjerena fotokopija E-maila od 31.03.2018. godine; Izjava L.J.K., sistem administratora AKAZ-a od 04.02.2019. godine; Djelovodnik predmeta i akata AKAZ-a, knjiga I za 2016., 2017. 2018. i 2019. godinu, ovjerena fotokopija za period 10.09.2018. do 30.11.2018. godine; Radno pravni dosije A.P. i to: Ugovor o radu od 09.07.2007. godine, Ugovor o radu od 31.07.2008. godine, Ugovor o radu, broj: ... od 01.02.2017. godine, Ugovor o radu, broj: ... od 30.11.2017. godine, Ugovor o radu, broj: ... od 18.03.2018. godine, Prijava od 17.09.2018. godine, Uvjerjenje o diplomiranju Pravnog fakulteta u Sarajevu, broj: ... od 05.02.2018. godine, Izvod iz CIPS-a od 06.07.2015. godine; Akt Pravnog fakulteta Univerziteta u Sarajevu, broj: ... od 27.04.2022. godine; Odluka o prijemu u radni odnos uz otkaz prethodnog ugovora o radu, ... AKAZ-a, broj: ... od 10.10.2018. godine; Ugovor o radu zaključen između AKAZ-a i A.P., broj:... od 10.10.2018. godine; Dopis ... AKAZ-a, broj:... od 30.11.2018. godine upućen E.S. povodom akta broj: ... od 27.11.2018. godine; Odluka privremenog Upravnog odbora AKAZ-a, broj: ... od 15.01.2019. godine; Odluka o vraćanju u prethodni radni odnos uz otkaz sadašnjeg Ugovora o radu, ... AKAZ-a, broj:... od 15.01.2019. godine; Akt ... AKAZ-a, broj: ... od 04.02.2019. godine; Rješenje o imenovanju Komisije za provođenje internog konkursa ... AKAZ-a, broj: ... od 05.02.2019. godine; Odluka o poništenju internog konkursa ... AKAZ-a, broj: ... od

26.02.2019. godine; Odluka Upravnog odbora AKAZ-a, broj: ... od 26.02.2019. godine; Odluka o otkazu Ugovora o radu s ponudom izmijenjenog ugovora o radu, ... AKAZ-a, broj: ... od 18.03.2019. godine; Akt ... AKAZ-a upućen A.P., broj: ... od 18.03.2019. godine; Ugovor o radu zaključen između AKAZ-a i A.P., broj: ... od 18.03.2019. godine; Zapisnik sa XV redovne sjednice privremenog Upravnog odbora, broj: ... od 15.01.2019. godine, ovjerena fotokopija; Zapisnik sa I redovne sjednice Upravnog odbora AKAZ-a, broj: ... od 19.02.2019. godine; Zapisnik sa II redovne sjednice Upravnog odbora AKAZ-a, broj: ... od 14.03.2019. godine; Zapisnik sa III redovne sjednice Upravnog odbora AKAZ-a, broj: ... od 17.04.2019. godine; Platne liste A.P. za period septembar 2018. godine do april 2019. godine, ovjerene fotokopije; Izvod iz kaznene i operativne evidencije za A.N., MUP KS, Odjeljenje za analitiku, planiranje i evidencije, broj: ... od 27.01.2022. godine; Prijedlog Kantonalnog tužilaštva Kantona Sarajevo za izdavanje naredbe za oduzimanje predmeta, broj T09 0 KTPO 0131304 19 od 05.07.2019. godine; Naredba Općinskog suda u Sarajevu za privremeno oduzimanje predmeta, broj: 65 0 K 773992 19 Kpp od 10.07.2019. godine; Naredbe za izvršenje naredbe suda, T09 0 KTPO 0131304 19 od 12.07.2019. godine; Zapisnik o privremenom oduzimanju predmeta MUP KS, Odjeljenje za privredni kriminal, broj: ... od 24.07.2019. godine; Potvrda o privremenom oduzimanju predmeta, MUP KS, Odjeljenje za privredni kriminal, broj: ... od 24.07.2019. godine; Naredba o deponovanju i čuvanju privremeno oduzetih predmeta u sudu, Općinski sud u Sarajevu, broj: 65 0 K 773992 19 Kpp 2 od 27.07.2019. godine; Izvještaj o predmetima dostavljenim u službu za čuvanje, Općinski sud u Sarajevu, broj: ... od 30.07.2019. godine; Naredba o privremenom izdavanju dokaza deponovanih u Sudu, Općinski sud u Sarajevu, br. 65 0 K 773992 19 Kpp 2 od 09.09.2019. godine; Izvještaj o predaji predmeta, Općinski sud u Sarajevu, broj: D ... od 10.09.2019. godine; Prijedlog Kantonalnog tužilaštva Kantona Sarajevo za izdavanje naredbe za oduzimanje predmeta, broj T09 0 KTPO 0131304 19 od 19.02.2020. godine; Naredba Općinskog suda u Sarajevu za privremeno oduzimanje predmeta, broj: 65 0 K 773992 20 Kpp 3 od 21.02.2020. godine; Naredbe za izvršenje naredbe suda, T09 0 KTPO 0131304 19 od 25.02.2020. godine; Zapisnik o privremenom oduzimanju predmeta MUP KS, Odjeljenje za privredni kriminal, broj: ... od 05.03.2020. godine; Potvrda o privremenom oduzimanju predmeta, MUP KS, Odjeljenje za privredni kriminal, broj:... od 05.03.2020.

godine; Naredba o deponovanju i čuvanju privremeno oduzetih predmeta u sudu, Općinski sud u Sarajevu, broj: 65 0 K 773992 20 Kpp 4 od 09.03.2020. godine; Izvještaj o predmetima dostavljenim u službu za čuvanje, Općinski sud u Sarajevu, broj: D ... od 13.03.2020. godine; Naredba o privremenom izdavanju dokaza deponovanih u Sudu, Općinski sud u Sarajevu, br. 65 0 K 773992 20 Kpp 4 od 15.05.2020. godine; Izvještaj o predaji predmeta, Općinski sud u Sarajevu, broj: ... od 20.05.2020. godine; Prijedlog Kantonalnog tužilaštva Kantona Sarajevo za izdavanje naredbe za oduzimanje predmeta, broj T09 0 KTPO 0131304 19 od 18.02.2022. godine; Naredba Općinskog suda u Sarajevu za privremeno oduzimanje predmeta, broj: 65 0 K 773992 22 Kpp 5 od 24.02.2022. godine; Naredbe za izvršenje naredbe suda, T09 0 KTPO 0131304 19 od 25.02.2022. godine; Zapisnik o privremenom oduzimanju predmeta MUP KS, Odjeljenje za privredni kriminal, broj: ... od 09.03.2022. godine; Potvrda o privremenom oduzimanju predmeta, MUP KS, Odjeljenje za privredni kriminal, broj: ... od 09.03.2022. godine; Naredba o deponovanju i čuvanju privremeno oduzetih predmeta u sudu, Općinski sud u Sarajevu, broj: 65 0 K 773992 22 Kpp 6 od 17.03.2022. godine; Izvještaj o predmetima dostavljenim u službu za čuvanje, Općinski sud u Sarajevu, broj: 65 0 K 773992 22 Kpp 6 od 21.03.2022. godine; Naredba o privremenom izdavanju dokaza deponovanih u Sudu, Općinski sud u Sarajevu, br. 65 0 K 773992 22 Kpp 6 od 13.04.2022. godine; Izvještaj o predaji predmeta, Općinski sud u Sarajevu, broj: broj: 65 0 K 773992 22 Kpp 6 od 13.04.2022. godine, Zapisnik o saslušanju svjedoka E.S., Kantonalno tužilaštvo Kantona Sarajevo, broj: T09 0 KTPO 0131304 19 od 11.02.2022. godine; Krivična prijava E.S. od 24.12.2018. godine sa priložima: punomoć za advokata od 19.12.2018. godine, Ugovor o radu od 27.04.2017. godine, isprint sa web stranice www.akaz.ba od 11.05.2018. godine, prijava interni konkurs od 16.11.2018. godine, informacija za interni konkurs od 27.11.2018. godine, akt direktora AKAZ-a, broj: ... od 30.11.2018. godine, print sa web stranice AKAZ-a, www.akaz.ba od 17.12.2018. godine, prigovor na odluku o izboru najboljeg kandidata od 05.12.2018. godine, žalba na sprovođenje internog konkursa od 08.01.2019. godine, Zapisnik o saslušanju svjedoka A.P., Kantonalno tužilaštvo Kantona Sarajevo, broj: T09 0 KTPO 0131304 19 od 18.02.2022. godine, Zapisnik o saslušanju svjedoka Lj.K., Kantonalno tužilaštvo Kantona Sarajevo, broj: T09 0 KTPO 0131304 19 od 11.02.2020. godine, Zapisnik o

saslušanju svjedoka A.B., Kantonalno tužilaštvo Kantona Sarajevo, broj: T09 0 KTPO 0131304 19 od 09.02.2022. godine, Zapisnik o saslušanju svjedoka A.B., Kantonalno tužilaštvo Kantona Sarajevo, broj: T09 0 KTPO 0131304 19 od 09.05.2022. godine, sa prilogom akt ... AKAZ-a broj ...od 13.05.2022.godine; Zapisnik o saslušanju svjedoka J. Z. P., Kantonalno tužilaštvo Kantona Sarajevo, broj: T09 0 KTPO 0131304 19 od 11.02.2022. godine, Zapisnik o saslušanju svjedoka S. A. Kantonalno tužilaštvo Kantona Sarajevo, broj: T09 0 KTPO 0131304 19 od 11.05.2022. godine; Zakon o sistemu poboljšanja kvaliteta sigurnosti i o akreditaciji u zdravstvu („Sl. novine FBiH“, broj: 59/05 i 6/17); Zapisnik o ispitivanju osumnjičenog A.N., Kantonalno tužilaštvo Kantona Sarajevo, broj: T09 0 KTPO 0131304 19 od 17.05.2022. godine sa prilogom punomoć za zastupanje, braniocu Novo Adnanu.

Optuženi i njegov branilac, nisu imali primjedbi na izvedene dokaze, niti su imali svojih dokaznih prijedloga.

Sud je u cijelosti prihvatio Sporazum o priznanju krivnje, jer je saglasno stavu 7. člana 246. ZKP F BiH utvrdio da su se optuženi, svjesno, dobrovoljno i sa razumijevanjem izjasnio da je kriv po navedenoj optužnici, te zaključio Sporazum o priznanju krivnje sa tužiocem, kao i da postoji dovoljno dokaza o njegovoj krivnji, koji su prikupljeni od strane tužioca.

Sud je dalje utvrdio da je optuženi razumio da se Sporazumom odriču prava na suđenje i da ne može uložiti žalbu na Sporazumom dogovorenu krivičnopravnu sankciju koja će mu se izreći, te da može biti izložen imovinskopravnom zahtjevu oštećenog i troškovima postupka.

Sud je također utvrdio da se optužnica i priznanje optuženog temelje na svim provedenim, objektivnim i subjektivnim dokazima prikupljenim od strane tužioca, koji ničim nisu dovedeni u sumnju, te koji van svake razumne sumnje ukazuju da je optuženi počinitelj krivičnih djela izreke presude.

Nakon ocjene priznanja krivičnog djela od strane optuženog, a koje priznanje je dato na ročištu za razmatranje sporazuma o priznanju krivnje u vezi sa provedenim dokazima, sud je zaključio da je priznanje optuženog potpuno i da je u skladu sa provedenim dokazima. Naime, izjava o priznanju krivnje je u potpunosti saglasna sa materijalnim dokazima uloženim u spis, pa tako iz odluke o imenovanju ... OPU-IP ... i broj: ... od 07.09.2016. godine, rješenja o registraciji broj: 065-0-Reg-12-00... od 28.09.2012. godine i historijskog izvoda iz sudskog registra, broj: 065-0-RegZ-20-00... od 12.05.2020. godine proizilazi da je optuženi A.N. bio imenovan na funkciju ...AKAZ-a i upisan u registru pravnog lica AKAZ kao ... i .... u periodu septembar 2018. do april 2019. godine.

Iz odredbi člana 30. Zakona o sistemu poboljšanja kvaliteta i sigurnosti (Sl. Novine Federacije BiH broj 59/05 i 52/11) i odredbi člana 25. Statuta AKAZ (Sl. Novine Federacije BiH broj 94/07 i 31/16) proizilazi da ... Agencije rukovodi agencijom, predstavlja i zastupa agenciju, te odgovara za zakonitost rada, pravilno i zakonito vođenje materijalno i finansijsko poslovanje agencije i da je ... agencije odgovoran za provođenje zakona, podzakonskih i drugih akata, da predstavlja i zastupa AKAZ, te odlučuje o svim pitanjima iz radnog odnosa uposlenika AKAZ-a.

Iz odredbi člana 11. Pravilnika o radu AKAZ-a proizilazi da je ... AKAZ-a odgovoran za način i postupaka izbora zaposlenika radi zaključivanja ugovora o radu u AKAZ-u.

Iz odredbe člana 10. Pravilnika o radu proizilazi da zaposlenik pored opštih uslova utvrđenih zakonom, mora ispunjavati i posebne uslove za prijem u radni odnos, a koji se pobliže definiiraju posebnim Pravilnikom o unutrašnjoj organizaciji i sistematizaciji radnih mjesta.

Odredbama članova 14., 16. stav 1. tačka 12. Pravilnika o unutrašnjoj organizaciji i sistematizaciji radnih mjesta AKAZ-a propisano je da se pod radnim iskustvom podrazumijeva iskustvo stečeno na radu na istim ili sličnim poslovima nakon sticanja stručne sprema koja je uslov za zasnivanje radnog odnosa, te da je za radno mjesto Viši

stručni saradnik za poslove ... potreban VII stepen stručne spreme, fakultet društvenog ili zdravstvenog smijera, jedna (1) godina radnog iskustva u struci, kao i posebni uslovi: radno iskustvo na poslovima u oblasti poboljšanja kvaliteta sigurnosti i akreditacije u zdravstvu, odnosno na poslovima zdravstva i edukacija na poslovima u oblasti poboljšanja kvaliteta sigurnosti i akreditacije u zdravstvu, odnosno na poslovima zdravstva.

Iz internog konkursa za prijem u radni odnos zaposlenika, broj: ... od 17.09.2018. godine proizilazi da je optuženi donio odluku o raspisivanju internog konkursa za rad na poslovima višeg stručnog saradnika za poslove .... sa početkom rada od 01.11.2018. godine sa propisanim opštim i posebnim uslovima navedenog radnog mjesta, te neophodnom dokumentacijom koju su kandidati dužni dostaviti na okolnost ispunjavanja opštih i posebnih uslova, a sve u roku od petnaest dana od dana objavljivanja konkursa, kao i da će se interni konkurs objaviti na službenoj stranici agencije.

Iz informacije AKAZ, broj: ... od 03.03.2020. godine i iskaza svjedoka Lj.K. proizilazi da je interni konkurs, broj: ... od 17.09.2018. godine objavljen na službenoj stranici AKAZ-a dana 01.11.2018. godine, a ne 17.09.2018. godine, te da je po usmenoj naredbi ... A.N., Lj.K. vršio ispravku, odnosno antidatiranje objave konkursa na službenoj stranici AKAZ-a, na dan 17.09.2018. godine.

Iz djelovodnika predmeta i akata AKAZ-a za period 10.09.2018. godine do 30.11.2018. godine, te iskaza svjedoka A.P. i E.S. proizilazi da A.P. nije dostavio prijavu na predmetni interni konkurs, a da je prijava E.S. evidentirana pod rednim brojem: ....., dana 16.11.2018. godine.

Iz radno-pravnog dosijea A.P. i akta Pravnog fakulteta Univerziteta u Sarajevu, broj: ... od 27.04.2022. godine proizilazi da je isti u AKAZ-u bio zaposlen od 2007. godine na poslovima SSS, a potom i VŠS, te da je dana 25.01.2018. godine završio studij za sticanje visoke stručne spreme (VSS Pravni fakultet).

Iz odluke ... AKAZ-a o prijemu u radni odnos uz otkaz prethodnog ugovora o radu, broj:... od 10.10.2018. godine i Ugovora o radu, broj: ... od 10.10.2018. godine proizilazi da je po osnovu istih A.P. angažovan na neodređeno vrijeme sa početkom od 01.11.2018. godine za rad na poslovima radnog mjesta Viši stručni saradnik za poslove ....

Kad se navedena odluka o prijemu u radni odnos broj: ... od 10.10.2018. godine dovede u vezu sa radnopravnim dosijeom A.P., aktom Pravnog fakulteta Univerziteta u Sarajevu, broj: ... od 27.04.2022. godine i odredbama člana 10 i 11. Pravilnika o radu AKAZ-a, te odredbama članova 14., 16. stav 1. tačka 12. Pravilnika o unutrašnjoj organizaciji i sistematizaciji radnih mjesta AKAZ-a proizilazi da A.P. nije ispunjavao posebne uslove radnog mjesta Viši stručni saradnik za poslove ..., jer nije imao 1 (jednu) godinu radnog iskustva nakon sticanja diplome VSS i nije imao stručne edukacije koje su pravilnikom kao poseban uvjet tražene za navedeno radno mjesto, te da mu je navedenom odlukom osumnjičenog pribavljena korist u vidu zasnivanja radnog odnosa na neodređeno vrijeme, na radnom mjestu Viši stručni saradnik za poslove ... u Agencije za kvalitetu i akreditaciju u zdravstvu Federacije BiH, za koje radno mjesto nije ispunjavao uvjete. Navedeno je dodatno potkrijepljeno i iskazima svjedoka S.A., J.Z.P., A.B. i E.S.

Iz odluke privremenog Upravnog odbora, broj: ... od 15.01.2019. godine, odluke Upravnog odbora, broj: ... od 26.02.2019. godine, odluke ... o otkazu Ugovora o radu s ponudom izmijenjenog ugovora o radu, broj: ... od 18.03.2019. godine i ugovora o radu, broj: ... od 18.03.2019. godine proizilazi da je A.P. otkazan ugovor o radu za poslove radnog mjesta Viši stručni saradnik za poslove ... sa danom 01.04.2019. godine.

Iz izjave svjedoka E. S., a koju je dao na zapisnik Kantonalnog tužilaštva Kantona Sarajevo, broj: T09 0 KTPO 0131304 19 od 11.02.2022. godine proizilazi da je isti uposlen u AKAZ-u na radnom mjestu sa VSS za koje radno mjesto je po sistematizaciji primao plaću srednje stručne spreme. Navodi da je ... A.N. bio upoznat kako je njegova situacija u suprotnosti sa Pravilnikom o plaćama i sa zakonom o radu, te da je imao informaciju od istog da nisu planirana sredstva za povećanje te stavke. Sa kolegom A.P.

je počeo zajedno sjediti u kancelariji u februaru mjesecu, te je svjedok upoznat sa izmjenom sistematizacije kao i da je otvoreno novo radno mjesto saradnik za ... sa uslovima srednje ili više stručne spreme i koeficijentom većim u odnosu na onaj koji je on imao sa završenim fakultetom. Budući da je htio unaprjeđenje, svjedok je pratio službenu stranicu AKAZ-a kao sredstvo informisanja po pitanju konkursa. Dana 01.11.2018. godine, pred kraj radnog vremena, na stranici je izašao konkurs za radno mjesto, te je svjedok sutradan od kolege A.P. saznao da je on dobio ugovor za to radno mjesto. Svjedok je pregledao knjigu protokola i vidio da nije bilo nikakvih prijava u posljednja tri mjeseca. Svjedok je pripremio svu potrebnu dokumentaciju koja je tražena konkursom od 01.11.2018. godine, čekao posljednji dan roka za prijavu, te predao svoju prijavu. Upoznao je ... sa navedenim od kojeg nije dobio nikakav odgovor. Sačekao je da prođe izvjesno vrijeme, te uputio dopis ... u vezi sa konkursom, nakon čega je dobio odgovor da je na konkurs od 17.09.2018. godine jedini prijavljeni kandidat bio A.P. koji je i dobio ugovor za radno mjesto. Nakon žalbenog postupka, ... je naloženo da nastavi konkursnu proceduru koja je stvarno objavljena 01.11.2018. godine u kojoj proceduri je svjedok bio jedini kandidat. Navodi da je provedena procedura koja nikada do tada nije bila provedena, kao testiranje poznavanja stranih jezika što nije ni traženo konkursom, da se formirana komisija nije uključivala proceduru već da je sve vodio sam ... nakon čega je svjedok dobio informaciju da nije zadovoljio konkursnu proceduru, te da ... nije odabrao nikog s obzirom na to da je on bio jedini kandidat. Svjedok nije ulagao žalbu na odluku, nego je sačekao da prođe mandat ..., a po njegovom sjećanju kolega A.P. je bio na bolovanju nakon čega je vraćen na radno mjesto na kojem je bio prije spornog konkursa, a svjedok je u međuvremenu pokrenuo radni spor za razlike koeficijenta po kojem mu je obračunavana plata za četiri mjeseca. Nadalje navodi da mu je poznato da je kolega A.P. bio u korektnim odnosima sa ... kao i ostali uposlenici, da mu je cijeli taj proces prouzrokovao stres, ali da nije pretrpio drugu materijalnu štetu i ne postavlja imovinskopravni zahtjev.

Iz Zapisnika o saslušanju svjedoka A.P., Kantonalno tužilaštvo Kantona Sarajevo, broj: T09 0 KTPO 0131304 19 od 18.02.2022. godine vidljivo je da je isti uposlen u AKAZ-u na poziciji sa SSS, te da je, nakon što je završio studij na Pravnom fakultetu u Sarajevu,

upoznao ... sa svojom situacijom kao i činjenicom da je otac 6 djece i jedini zaposleni u porodici, te da je potrebno da se zaposli na radno mjesto adekvatno njegovoj struci. U oktobru 2018. godine u njegovu kancelariju došao je pravnik AKAZ-a i donio mu da potpiše ugovor za radno mjesto viši stručni suradnik za poslove ... s početkom rada 01.11.2018. godine. Svjedok navodi da se zahvalio misleći da je sve u redu i da je njegovo unaprjeđenje u skladu sa zakonom. Navodi da se nije prijavljivao na raspisani konkurs niti prilagao nikakvu dokumentaciju. S obzirom na to da je sjedio u kancelariji sa kolegom E.S., isti je iskazao nezadovoljstvo. Otprilike dva mjeseca nakon ovoga nazvao ga je ... A.N. i rekao da ima neki problem u vezi sa njegovom „internom promocijom“, te da će mu trebati njegova izjava da se prijavio na konkurs na što je svjedok potvrdno odgovorio. Nakon određenog vremena ... je saopćio svjedoku da se neće moći ništa uraditi po pitanju mog novog radnog statusa i da će se morati vratiti na staro radno mjesto, što se, po riječima svjedoka, i desilo u februaru 2019. godine. Ubrzo nakon pomenutih događaja A.N. je prestao obnašati funkciju ..., a na njegovo mjesto je došao A. B.

Svojim iskazima, datim pred KTKS, svjedoci Lj. K., A. B., J. Z. P. i S. A., su u cijelosti potvrdili navode svjedoka E.S. i A.P. , dok se pored navedenog svjedok A.B. izjasnio i u pogledu imovinsko-pravnog zahtjeva ističući da kao ovlašteno lice Agencije postavlja imovinsko-pravni zahtjev u iznosu koji je Agencija oštećena.

Iz navedenih dokaza, koje sud u cijelosti cijeni vjerodostojnim, kako izjave svjedoka koje su detaljne, ne protivrječne, kao i materijalne dokaze iz kojih su utvrđivane odlučne činjenice, a koje su u skladu sa svim drugim dokazima, uz priznanje optuženog, koji se svi međusobno potvrđuju i u međusobnoj su logičnoj vezi, te ničim dovedeni u sumnju, proističe da je optuženi poduzeo radnje na način, mjesto i vrijeme kako je to navedeno u dispozitivu presude, odnosno da je kao odgovorna osoba u Federaciji, iskoristio svoja ovlaštenja i pribavio drugom korist, u vidu zasnivanja radnog odnosa na neodređeno vrijeme na koji način je počinio krivično djelo Zloupotreba položaja ili ovlaštenja iz člana 383. stav (1) KZ F BiH.

U toku postupka nije bilo okolnosti niti naznaka koje bi dovele u sumnju uračunljivost optuženih u vrijeme izvršenja krivičnog djela. Utvrđujući pitanje krivice optuženog, kao njegovog odnosa prema izvršenom krivičnom djelu, sud nalazi da je optuženi počinio krivično djelo s direktnim umišljajem. Radnje koje je preduzeo optuženi su nesumnjivo bile rezultat njegove volje iz čega proističe pouzdan zaključak o svijesti o djelu i htijenju posljedice, zbog čega ga je sud za počinjeno krivično djelo oglasio krivim.

Prilikom odlučivanja o vrsti i visini sankcije sud je shodno odredbi člana 49. KZ-a F BiH razmotrio sve okolnosti koje utiču na izbor i odmjeravanje sankcije, te utvrdio da je sporazumom predložena krivična sankcija adekvatna vrsti, težini i okolnostima počinjenog djela kao i ličnosti počinioca pa je sud optuženom izrekao uvjetnu osudu - kaznu zatvora u trajanju od 7 (sedam) mjeseci, koja se neće izvršiti ukoliko optuženi u roku od 2 (dvije) godine od dana pravomoćnosti presude ne počini novo krivično djelo.

Sud je kao olakšavajuću okolnost uzeo u obzir priznanje optuženog za počinjena krivična djela u ranoj fazi postupka što je od uticaja na efikasnost i ekonomičnost postupka kao i njegovu raniju neosuđivanost. Također, sud nije našao otežavajućih okolnosti, što sve opravdava zaključak da se krivično-pravna zaštita može postići izrečenim uvjetnim osudama. Sud također ističe da okončanje krivičnog postupka sporazumom o priznanju krivnje ukazuje na potpunije preuzimanje odgovornosti za počinjena krivična djela od strane optuženih, shvatanje i razumijevanje djela koje je učinio, što će uticati na potpunije ostvarenje svrhe kažnjavanja.

Na osnovu člana 212. stav 3. ZKP F BiH oštećeni Agencija za kvalitetu i akreditaciju u zdravstvu Federacije BiH se upućuje na parnicu radi ostvarivanja imovinsko pravnog zahtjeva obzirom da postavljeni zahtjev nije preciziran.

Na osnovu člana 202. stav 4. Zakona o krivičnom postupku Federacije Bosne i Hercegovine optuženi se oslobađaju od obaveze da naknadi troškove krivičnog postupka tako da isti padaju na teret budžetskih sredstava.

**ZAPISNIČAR**

**Anesa Gušo**

**SUDIJA**

**Denis Kurtović**